

Ա. Վ. ՍՈՒՎՈՐՈՎԻ
ՀԱՅ ԲԱՐԵՎԱՄՆԵՐՆ ՈՒ ԶԻՆԱԿԻՑՆԵՐԸ
(Մեծ զորավարի ծննդյան 250-ամյակի առթիվ)

ՍՍՀ ԳԱ ակադեմիկոս Մ. Գ. ՆԵՐՍԻՍՅԱՆ

Ռուս մեծ զորավար Ալեքսանդր Վասիլևիչ Սուվորովը (1730—1800) իր հարուստ կյանքի և փայլուն գործունեության ընթացքում զանազան առիթներով շփվել է հայ հասարակության և նրա քաղաքական ու եկեղեցական գործիչների հետ, զբաղվել նրանց հուզող հարցերով, այդ թվում և Հայաստանի ազատագրության ու հայկական պետության վերականգնման խնդրով։ Աշխարհահռչակ գեներալիսիմուսը ունեցավ հայ ծանոթներ, գործակիցներ և բարեկամներ, ինչպես նաև ռազմի դաշտերում կոփված քաջարի հայ աշակերտներ ու զինակիցներ։

Ա. Վ. Սուվորովը գործարար կապեր հաստատեց մի շարք հայ հասարակական-քաղաքական գործիչների հետ մասնավորապես 1770-ական թթ. վերջերին, երբ տեղի ունեցավ Ղրիմի հայերի և հույների գաղթը Հարավային Ռուսաստան։

1778 թ., Եկատերինա II-ի հրահանգով, գեներալ-պորուչիկ Ա. Վ. Սուվորովը կազմակերպեց Ղրիմի հայերի գաղթը Ազովյան նահանգ, որի հետևանքով Դոնի ափին հիմնվեց Նոր Նախիջևանի հայկական գաղութը։ Գաղթի բավական բարդ և դժվարին գործը հաջողությամբ ավարտելու համար նա անմիջական կապերի մեջ մտավ տեղի հայ ազդեցիկ գործիչների հետ։

Սուվորովը մշտական կապեր հաստատեց մասնավորապես վարդապետ Պյոտր Մարկոսի (Պետրոս Մարկոսյան) և քահանա Յակովի (Հակոբ) հետ։ Զորավարը ընդունում, խորհրդակցում և հանձնարարություններ էր տալիս նրանց։ Սուվորովի ղեկուցագրերում նրանց անունները հաճախ են հիշվում։ Այսպես, օրինակ, իր 1778 թ. հուլիսի 17-ի ղեկուցագրում, ուղղված Գ. Պոտյոմկինին, զորավարը հայտնում էր, որ հայերի անվանի հոգևորականներից են կաթողիկոսական դավանանքի Պյոտր Մարկոսը և Յակովը, որոնք համարվում են հարգելի և լավագույն մարդիկ¹։ Սուվորովը 1778 թ. հուլիսի 29-ին գրում է Պոտյոմկինին, որ երեք օր առաջ նա ընդունել է հայկական պատգամավորությանը, այդ թվում վարդապետ Պյոտր Մարկոսին և վանական Յակովին, որոնց հետ քննարկվել են գաղթի հետ կապված հարցեր²։

Սուվորովը, խոսելով գաղթի կազմակերպման աշխատանքները սկսվելու մասին, 1778 թ. օգոստոսի 6-ին Պ. Ի. Տուրչանինովին հայտնում էր. «Տեն-

¹ См. «Присоединение Крыма к России», т. II, СПб., 1885, стр. 560.

² Архив ЛОИИ, ф. Собрание Воронцовых, д. 1309, л. 39.

դորեն աշխատում ենք. սուրբ հայրերը շատ աշխատանք են թափում... Վարդապետ Պյոտր Մարգոսյ ալնպես ոտքի հանեց հայերին, որ դանադան տեղերից ու ամեն կողմից շարան-շարան ձգվեցին: Վանական Յակովը բավական հաջողության հասավ կաֆացիների մեջ»³:

Ա. Վ. Սուվորովը գործարար կապերի մեջ է եղել նաև Ղրիմահայեր Անանիայի և Անդրեասի հետ: Ինչպես երևում է Սուվորովի թղթերից, նրանք ղորավարի հանձնարարությամբ ակտիվ մասնակցություն են ունեցել հայերի գաղթը կազմակերպելու գործում: 1778 թ. սեպտեմբերի 25-ին Պոտյոմկինին գրած նամակում Սուվորովը խնդրում էր հաշվի առնել այս երկու հայ հարյուրապետների վաստակը և նրանց շնորհել կապիտանի աստիճան: Ալեքսանդր Վասիլևիչը գրում էր. «Համարձակվում եմ հայ ժողովրդի պաշտոնաթող կոմպանեյսկի հարյուրապետներ Անանիային և Անդրեասին, որոնք գերազանցապես աշխատեցին քրիստոնյաներին Ռուսաստան գաղթեցնելու գործում, ձերդ պայծառափայլության մեծահարգ հովանավորությանը հանձնարարել, և այդ օգնության համար խոնարհաբար խնդրում եմ ձերդ պայծառափայլությանը հավասարեցնել նրանց բանակային պաշտոնաթող կապիտանի աստիճանին»⁴:

Սուվորովի նամակներում և ղեկուցագրերում խոսվում է նաև պողպորու-չիկ հայ Պյոտր (Պետրոս) Իվանովի մասին: Վերջինս նույնպես կապված էր Սուվորովի հետ և նրա հանձնարարությամբ Ղրիմում եռանդուն գործունեություն է ծավալել: Զորահրամանատարը, հաշվի առնելով Իվանովի վաստակը, հարց է բարձրացրել նրան զրամական նշատտ նշանակելու մասին⁵:

Պոտյոմկինի գրասենյակի թղթերից երևում է, որ 1778 թ. աչքի է ընկել նաև հայ Պավել Արտեմովը: Քրիստոնյաներին Ղրիմից Ազովյան նահանգ վերաբնակեցման ժամանակ ցուցաբերած ծառայության և ջանքերի համար նա Սուվորովի միջնորդությամբ պրապորշչիկի աստիճան է ստացել⁶:

Հայերի գաղթի ժամանակ Ղրիմում էին գտնվում Երուսաղեմի երկու հայ հոգևորական: Սուվորովը կապեր է հաստատում նաև զրանց հետ և օգտագործում նրանց հայերի գաղթը կազմակերպելու գործում: 1778 թ. հուլիսի 25-ին նա Ղրիմից այդ մասին հայտնում էր Պոտյոմկինին: «Ի դեպ,— գրում է Սուվորովը,— այստեղ պատահեցի Երուսաղեմի հայ հովվապետին և վարդապետին. այժմ նրանք օգտագործվում են օգտավետությամբ»⁷:

Ըստ երևույթին, հենց այս շրջանում է, որ Սուվորովը Երուսաղեմի հայկական Ս. Հակոբ վանքին ուղարկում է մի թանկարժեք նվեր և այդ կապակցությամբ Երուսաղեմի հայ պատրիարք Հովակիմ Քանաքեռցին շնորհակալական նամակ է հղում զորավարին: Նամակից երևում է, որ Սուվորովի նվերը եղել է թանկարժեք գեղարվեստական նկար՝ «Սուրբ հոգու հայտնության» տեսարանը, «նկարված հանճարեղ վարպետի արժանի ձեռքով»:

Նամակում, խորին երախտագիտության և ողջույնների հետ մեկտեղ ջերմ խոսքեր են ուղղված Սուվորովի հասցեին: «Քաջագոյն Զորաւարիդ Աղնուա-

³ «Письма и бумаги А. В. Суворова», т. I, Пг., 1916, стр. 124.

⁴ Архив ЛОИИ, ф. Собрание Воронцовых, д. 1309, л. 41. См. также «Архив князя Воронцова», кн. 24, стр. 294.

⁵ «Письма и бумаги А. В. Суворова», т. I, стр. 387.

⁶ ЦГВИА, ф. 52, оп. 194, д. 226, л. 139.

⁷ ЦГАДА, ф. Госархив, разряд XVI, д. 588, ч. 12, л. 369.

դրոյն աղգիդ Ռուսաց», — այս խոսքերով է դիմել հայ պատրիարքը Սովորովին, խնդրելով, որ նա մշտապես օգնություն ցույց տա հայ ժողովրդին. «Եւ արդ՝ որովհետեւ միջնորդութեամբ Սրբազնասուրբ և գեղեցկանկար Պատկերի գալստեան Հոգւոյն Սրբոյ բաժնեկամացեալ և որսկէս թէ համարձակութիւնդ տեալ խնդրեմ ի մարդասիրութենէ քումմէ, զի հաճապազ յիշատակս մեր ի մէջ աղգի և ընտանեաց քոց յիշեսցես ի բարին. և ի յաղգէ մերմէ ուր և պատահեսցի զմարդասիրութիւն ցուցցես»:

Պատրիարքի՝ Սովորովին գրած նամակը վերջանում է հետևյալ տողերով. «Եւ արդ՝ որովհետեւ բարեպաշտութիւն քոյ միշտ փափաքի բարեաց գործոց և հաճապազ առնուս զմարդասիրութիւնս... ցեկեղեցւոյ ըստ պատմելոյ վերոգրեալ Դաբրիէլ վարդապետին և Արհիեպիսկոպոսին: Ուրեմն կայ և մնայ քեզ արդարութեան պ]սակն: Եւ դու ակնկալեալ յաւիտենական փառաց, խնդրի զիջանիլն մեծութեանդ քոյ ի խնդիրս մեր և ձեռնտու[թեամբ] մերում. որք գտանին ի յօրհնեալ երկիրդ ձեր առնելով զբարերարութիւնս որքան և հնարէ, համարելով ոչ որպէս [օտար] այլ որպէս բուն համազգիս բարեկամս և սիրելիս: Եւ մեք աստ ի սուրբ տեղիսն Քրիստոսի աղօթող եմք վասն ձեր և բարութ [Ձոր]ավարութեան կենաց ձերոց»⁸:

Սովորովի հետ կապեր ունեւ Ղրիմի աղղեցիկ հայերից Մարկոս Սարգսի Սերբերյակովը (Կյումուշլի, Արծաթագործյան), որը Սեծովյան նավատորմի հերոսներից մեկի՝ հռչակավոր ծովակալ Լազար Մարկովիչ Սերբերյակովի (1795—1862) հայրն էր⁹: Պաշտոնական մի քանի փաստաթղթերում, այդ թվում նաև Ֆելդմարշալ Ռումյանցև-Ջադոնայսկու գրագրություններում Մ. Սերբերյակովը հիշատակվում է որպէս «անվանի ետրկոյան հայ հարյուրապետ Մարգոս»¹⁰:

Մարկոս Սերբերյակովը, ունենալով ուսական կողմնորոշում և ցանկանալով թուրք-թաթարական խաների ծանր լծից ազատել Ղրիմը, ակտիվ գործունեություն ծավալեց հօգուտ Ռուսաստանի: Կամավոր ծառայության մտնելով ուսական բանակ, նա 1770-ական թթ. մասնակցեց Ղրիմում ծավալված պատերազմական գործողություններին և զգալի օգնություն ցույց տվեց Ա. Վ. Սովորովին՝ Ղրիմի քրիստոնյաներին Ռուսաստան տեղափոխելու գործում: Այս մասին գոյություն ունի Ալեքսանդր Վասիլևիչի գրավոր վկայությունը: Կողով քաղաքում, 1779 թ. ապրիլի 23-ին Մ. Սերբերյակովի անունով Սովորովի գրած ատեստատում ասված է. «Տրված է սույնը պաշտոնաթող կոմպանեյսկի հարյուրապետ Մարկ Սերբերյակովին առ այն, որ նա օգտագործվել է այստեղից քրիստոնյաներին Աղովյան նահանգ դուրս բերելու, ինչպես նաև սրանից առաջ զանազան բավական կարևոր գաղտնի հանձնարարությունների համար, որոնք կատարել է գերագանց ջանասիրությամբ և հավատարմությամբ, որոնց համար արդարամտությամբ արժանի է հատուկ հարգանքի»¹¹:

Պետք է նշել, որ Սովորովը, ի տարբերություն ցարական բյուրոկրատ գեներալների, զգալի հոգատարություն ցուցաբերեց գաղթի դիմած հայ բնակ-

⁸ ГПБ СССР им. В. И. Ленина, отд. рукописей, Армянский фонд, № 7. Տե՛ս նաև ՀՍՍՀ ԳԱ «Տեղեկագիր» (հաս. գիտ.), 1950, № 6, էջ 96—97:

⁹ Վ. Միքայելյան, Մովակալ Լ. Մ. Սերբերյակով, Երևան, 1979:

¹⁰ «Присоединение Крыма к России», т. II, стр. 404.

¹¹ ՀՍՍՀ ԳԱ «Լրաբեր» (հաս. գիտ.), 1977, № 2, էջ 104 (ընդգծումները մերն են—Մ. Ն.):

չության նկատմամբ: Կարիքի և զրկանքների մեջ դտնվող գաղթականների վիճակը բարելավելու նպատակով նա բանիդս Ղրիմից ղեկուցագրեր է ուղարկել Պետերբուրգ: Այսպես, օրինակ, 1778 թ. օգոստոսի 23-ին Սուվորովը գրում էր իշխան Պոտյոմկինին. «Ռուսաստանում վերաբնակեցվող հայերի կողմից ընտրված 4 պատգամավորներից, որոնք ինձնից թույլտվություն են խնդրում Սանկտ-Պետերբուրգում լինել և հարմար ժամանակ ներկայանալու ձերդ պայծառափայլությանը անձնվիրական խնդրանքով՝ իրենց հարմար վայրերում նպաստավոր բնակեցման և աշխտեղ ապրելու խնդրանքի կապակցությամբ,— խոնարհաբար խնդրում եմ պաշտպանել և ձերդ բարձր ողորմածությունը ցույց տալ նրանց»¹²:

* * *

Ա. Վ. Սուվորովի հայ ծանոթների ու բարեկամների թիվը ղգալի չափով ավելացավ 1780—1782 թթ., այն տարիներին, երբ նրան, ինչպես հայտնի է, հանձնարարված էր նախապատրաստել ռուսական զորքերի մի նոր արշավանք դեպի արևելյան Անդրկովկաս: Արգեն 1780 թ. հունվար ամսին զորավարը հանդիպումներ ունեցավ Պետերբուրգում հայ ազատագրական շարժման նշանավոր ներկայացուցիչներ Հովսեփ Արղուիսյանի և Իվան (Հովհաննես) Լաղարյանի հետ: Հայ գործիչները նրան մանրամասն տեղեկություններ հաղորդեցին Հայաստանի և ամբողջ Անդրկովկասի տնտեսական, քաղաքական դրության, երկրամասի քաղաքների, բերդերի, ձանապարհների մասին:

Արղուիսյանն իր օրագրում արձանագրել է. «Յունվարի 2 եներալ Պոռոճիկ Ալեքսանդր Վասիլիչ Սուվորովն եկն առ ի տեսութիւն. և մեր աղնիւ Աղայ Յովհաննէսն ընդ նմա ի վերայ նոյն նիւթոյն. և ի վերայ երկրացն մերոց քաղում հարցմունս արար մինչև ցերկու ժամս: Եհարց և մանրամասնաբար ղկացութենէ սրբոյն Աթոռոյն մերոյ էջմիածնայ և յուսադրութիւն արար յոյժ որպէս թէ նորոգելոց իցեն ի մեզ իշխանութիւն ինչ որ և ի մէնջ ելեալ գնացեալ էր առ պայծառափայլ բնեաղն Գրիգոր Ալեքսանդրիչ Պօտեմկինն և պատմեալ նմա ղամենայն ասացեալսն մեր վասն քաղաքաց»:

Նոր տեսակցությունը տեղի է ունեցել հունվարի 13-ին: Արղուիսյանը գրում է. «Ը սոյն ամսոյ 13, նոյն եներալ Պօռոճիկ Սուվորովն ղմեզ Աղայ Յովհաննէսին կոչեալ էր առ ինքն վասն տեղեկութեան կացութեանց և վարուց, նաև որպիսութեանց մէլիքանցն մերոյ որք ի յԱրցախ աշխարհի են, որ այժմ կոչի Դարաբաղ և կամ Սղնախ, և մեք ասացաք ղկարգն նոցին և ղմիաբանութիւնն ընդ իրեարս, և ղտարածայնութիւնն և ղպատճառն տիրելոյն նոցա ի Փանախանէն... Պատմեաց Աղայ Յովհաննէսն և մեր ուղբաշոց միաբանութիւնն և ղտէրութենէ նորոգելն և ոչընչիւ կորուսանելն: Նաև՝ Դաւիթ Բէգի ղօրանալն և արիութիւնն, և յետոյ վախճանին խափանիլն: Հարցրին և ղբարւոյն արքային Հերակլայ և ղկարողութենէ նորին. և ղոր ինչ ասացաք գրեցին»¹³:

Հունվարի 10-ին Լաղարյանը Սուվորովին ներկայացնում է մի ղեկուցագիր, ուր խոսվում է Հայաստանի քաղաքական վիճակի մասին և արվում

¹² ЦГАДА, ф. Госархив, разряд XVI, д. 588, ч. 12, л. 382 (ընդգծումը մերն է—Մ. Ն.).

¹³ «Դիվան հայոց պատմության», գիրք Թ, Թիֆլիս, 1911, էջ 23—24:

առաջարկներ՝ երկիրը պարսկական ու թուրքական տիրապետությունից ազատագրելու և հայկական պետականությունը վերականգնելու համար¹⁴։ Ուշագրավ է այն փաստը, որ այդ նույն օրերին ռուսական արքունիք է ներկայացվում Հայաստանի պատմական քարտեզը, որի տակ գրված է Ա. Վ. Սուվորովի ստորագրությունը¹⁵։ Հստ երևույթին, այդ քարտեզը դորավարին հանձնել են Արդությանը և Հազարյանը։ Ի դեպ, քարտեզի հետ կապված փաստը, Սուվորովի ունեցած զրույցները Արդությանի ու Հազարյանի հետ, ինչպես նաև մի շարք այլ հանգամանքներ վկայում են այն մասին, որ մեծ դորավարը Հայաստանի ազատագրության և հայկական պետության վերականգնման ջերմ կողմնակիցն է եղել։

Իրեն հանձնարարված խնդիրը լուծելու նպատակով Ա. Վ. Սուվորովը 1780 թ. փետրվարին ժամանեց Աստրախան, ուր մնաց երկու տարուց ավելի։ Այստեղ նա ձեռք բերեց նոր հայ ծանոթներ ու բարեկամներ։ Դրանց թվում պետք է հիշել Բոգդան Խաստատովին, Ալեքսանդր Մելիքովին, Նիկիտա Յակովլևին, Ղուկաս Պետրովին և ուրիշներին, որոնք կատարելով դորավարի կարևոր հանձնարարությունները, դարձան նրա հավատարիմ գործակիցներն ու բարեկամները¹⁶։ Իր մի շարք զեկուցագրերում Սուվորովը բարձր գնահատական է տալիս նրանց՝ իրեն մատուցած ծառայությունների համար։ Բնորոշ է, օրինակ, որ դորավարի թղթերում Բոգդան Խաստատովը հաճախ որակվում է որպես «իմ բարեկամը» (мой приятель), իսկ Ալեքսանդր Մելիքովը՝ որպես ազնվաբարո մարդ («человек порядочного поведения»), որ արժանի է վստահության¹⁷։ Գնահատելով գանձակեցի հայ Նիկիտա Յակովլևի գործունեությունը հօգուտ Ռուսաստանի, Սուվորովը առանձին խնամք է հանդես բերել նրա նկատմամբ, պարգևատրել է նրան և միաժամանակ խնդրել Գ. Պոտյոմկինին՝ իր «բարձր հովանավորության» տակ վերցնել Յակովլևին¹⁸։

1780—1781 թթ. գտնվելով Աստրախանում, Սուվորովը քաղաքական կասյեր է հաստատել Ղարաբաղի հայ մելիքների հետ։ Վերջիններիս և դորավարի միջև տեղի է ունեցել նամակագրություն։ Արխիվային նյութերում պահպանվում է, օրինակ, մելիք Աղամի և մելիք Բեգլարի 1781 թ. սեպտեմբերի 2-ի նամակը՝ ուղղված Սուվորովին, որ սկսվում է հետևյալ տողերով. «Ամենապայծառ ազնիւ և բարեխնամող ղենառալ պառուտչիկ գավալեր Ալեքսանդր Վասիլևիչին։ Մեր ներքոյ անվանեալքես Ղարաբաղու հայոց թագաւորաց ազնիւ զինվորած մնացեալ ժառանգր մելիքներուս, քոյ մեծ և բարի համբաւն լսեցիմք, որ բաղումք զորօր շնորհեալ ես երկիրն մեր գալն և ի զալրստեան քոյ շատ բարոք եմք կամենում և ասլայ մինչև այժմուս ոչինչ գալրստեան քոյին ահվալ չիմացանք և մահմեղական ազգն ավելի թշնամացելայ մեր քրիստոնէից վերայ. ոչինչ տեղաց չունիմք օգնականութիւն, միայն ապաւինել եմք առաջ աստուած և յետոյ Ամենայապայծառ և Ամենիշխան ինք-

¹⁴ «Собрание актов, относящихся к обозрению истории армянского народа», ч. II, М., 1838, стр. 69—70.

¹⁵ М. Персиян, Из истории русско-армянских отношений, ч. I, Ереван, 1956, стр. 102—103.

¹⁶ Նույն տեղում։

¹⁷ Архив ЛОИИ, Собрание рукописных книг, д. 342, лл. 16, 23.

¹⁸ ЦГВИА, ф. 52, оп. 194, д. 266, л. 9.

նակալ ողորմած. թագաւորոյն էլ գրով ողորմութիւն ենք խնդրած, որ մեր ազգին օգնութիւն հասնելուն մեզ բաւական զինվորք առաքի, և ի քոյ մեծառատ ողորմութիւնն մեր ազգիցս անպակաս արասցէս վասն մերոցս նեղութեան մետ առնելով մեր խնդրվածկն յետևելով վատարեալ մեզ օգնութիւն շնորհեա՞լ¹⁹:

Սուվորովի հետ նամակագրութիւն են ունեցել նաև մելիք Զումշուդը, յուզբաշի Պետրոսը և ուրիշներ: Այդ մասին է վկայում տարիներ հետո նրանց գրած նամակը Աստրախանի նահանգապետ Գուդովիչին, որտեղ, ի միջի այլոց, ասված է. «781 և 782 թվականներին պարոն գեներալ Սուվորովը և գեներալ Պոտյոմկինը բավական նամակագրութիւն ունեցան մեզ հետ»²⁰:

Ռուս-թուրքական 1787—1791 թթ. պատերազմի շրջանում, երբ ռուսական բանակը հաղթական կռիւներ էր մղում Մուղավիայում և Վալախիայում, Սուվորովը նորից հանդիպումներ ունեցավ Հովսեփ Արղությանի հետ, որը գործող բանակ էր եկել իշխան Գ. Պոտյոմկինի հրավերով: Զորավարին այստեղ գործակցեց նաև «արարատյան դեսպան» Ստեփան Դավթյանը: Նա վարում էր թարգմանչի պաշտոն և ղեկավարում հայ հաղթականների հարցով: Ալեքսանդր Վասիլևիչը 1792 թ. դիմում ուղարկեց բարձր հրամանատարութեանը՝ Ստ. Դավթյանին հովանավորելու և նրան «օգնութեան ձեռք մեկնելու» խնդրանքով²¹:

Կանգ շառնելով Ա. Վ. Սուվորովի մյուս հայ բարեկամների ու ծանոթների վրա, հարկ ենք համարում, սակայն, վերջում նշել հետևյալ հանգամանքը. ռուս աշխարհահռչակ զորավարը մեծ հարգանք էր վայելում ժամանակի հայ հասարակական-քաղաքական գործիչների մեջ ոչ միայն որպէս հանճարեղ զորահրամանատար, այլև որպէս ռուսական պետութեան ակադեմիկոս գործիչ, որ անկեղծորեն ձգտում էր աջակցել Հայաստանի ազատագրմանը պարսկական շահի և թուրքական սուլթանի ծանր լծից: Այս տեսակետից բնորոշ է Հովսեփ Արղությանի 1795 թ. դեկտեմբերի 15-ի նամակն ուղարկված Բաբիխից Պետերբուրգ Ստեփան Դավթյանին: Խոսելով այն լուրերի մասին, որոնց համաձայն պատրաստվում է ռուսական զորքերի նոր արշավանք դեպի Անդրկովկաս, պարսից զավթիչների դեմ, Արղությանը գրում էր. որ լավ կլիներ, եթե արշավանքը գլխավորի Սուվորովը. «Եթե ուղարկեն գրաֆ Սուվորովին, ապա գործը կվերջանա ի բարօրութիւն մեր... Իմ կողմից ողջունիր նրան և ասա... շտապիր օգնութեան տարաբախտ վրացական թագավորութեանը և իր կողմից սիրված իմ հայրենիքին»²²:

* * *

Արխիվային և մյուս նյութերի ուսումնասիրութիւնը ցույց է տալիս, որ Ա. Վ. Սուվորովի անմիջական հրամանատարութեամբ տեղի ունեցած պատերազմական բազմաթիւ գործողութիւններին ու փայլուն հաղթանակներին գործուն մասնակցութիւն են ունեցել նաև հայ սպաներ: Ավելին: Դրանցից մի քանիսը եղել են զորավարի հավատարիմ աշակերտները և մարտական զինակիցները:

19 Նույն տեղում, թ. 7:

20 Տե՛ս «Պատմա-բանասիրական հանդես», 1977, № 1, էջ 242:

21 ЦГАДА, ф. 15, д. 235, лл. 12.

22 «Кавказская старина», Тифлис, 1872, № 2, стр. 30—31 (ընդգծումը մերն է—Մ. Ն.):

Այս հարցի մասին պատմագիտական գրականության մեջ գոյություն ունի միայն մեկ սեղմ հիշատակություն: Հայ ժողովրդի պատմության հարցերին նվիրված նյութերի ժողովածուում, որ լույս է տեսել մոտ 140 տարի առաջ Մոսկվայում (կազմող՝ Ս. Ն. Գլինկա, հրատարակություն Լազարյան ճեմարանի), տեղ են գտել հետևյալ տողերը. «Հռչակավոր զորահրամանատար գեներալիսիմուս իշխան Ալեքսանդր Վասիլևիչ Իտալիյսկու, կոմս Սուվորով-Դիմիտրևսկու հրամանատարությամբ մղված մարտերում և արշավանքներում հայերից մասնակցել են. փոխգնդապետ հաստատովր, փոխգնդապետ Մանեն և մայոր Լալաևը. այս երկուսը գեներալիսիմուսի վստահելի ու սիրելի անձերն էին: Հետագայում հաստատովր քաջությամբ և վաստակով արժանացավ գեներալ-մայորի աստիճանի և պատվանշանների, իսկ Մանեն, ի ցավ զորահրամանատարի և բոլոր նրան ճանաչողների, սպանվեց Իզմայիլի գրաման ժամանակ: Այս քաջարի Մանեն անասելի անվեհերությամբ աչքի ընկավ գրոհի ժամանակ»²³:

Միայն այսքանը: Բայց ովքե՞ր են այդ զինվորականները, որտե՞ղ և ի՞նչ գործունեություն են ծավալել նրանք, արդյո՞ք նշված անուններով սահմանափակվում է հանճարեղ զորավարի հայ աշակերտների ու զինակիցների ցուցակը: Աշխատենք պատասխանել այս հարցերին:

Ա. Վ. Սուվորովի զինակիցներից ու բարեկամներից մեկը, իրոք, եղել է ասարախանցի հայ՝ Բոգդան հաստատովի եղբայր Ակիմ (Եկիմ) Վասիլևիչ հաստատովր (1756—1809): Ծառայելով ռուսական բանակում (Վլադիմիրյան հեծյալ գնդում) նա արդեն 1770-ական թթ. կեսերին ուներ կապիտանի, իսկ հետագա տարիներին հասավ գեներալ-մայորի աստիճանի: 1780 թ. հաստատովր ուղարկվում է Սուվորովի տրամադրության տակ, և հետաքրքիր է, որ այդ արվում է մեծ զորավարի խնդրանքով: 1780 թ. փետրվարի 27-ի նամակում՝ ուղղված իշխան Գրիգորի Պոտյոմկինի գրասենյակի պետ գեներալ Պ. Ի. Տուրչանինովին, Սուվորովը խնդրում է կապիտան Ակիմ հաստատովին ուղարկել իր դիվիզիայում ծառայելու համար: Խնդիրքը բավարարվում է: հաստատովր շուտով դառնում է զորավարի մտերիմներից մեկը: Բնորոշ է. օրինակ, որ հաստատովի և ոմն գնդապետ Պիեռի միջև տեղի ունեցած միջադեպի կապակցությամբ Սուվորովը 1781 թ. նոյեմբերի 19-ին հատուկ նամակ է ուղարկում գեներալ Տուրչանինովին, խնդրելով նրան՝ օգնել ու հովանավորել կապիտան հաստատովին²⁴:

Ակիմ հաստատովը աչքի ընկավ հատկապես ռուս-թուրքական երկրորդ (1787—1791) պատերազմի տարիներին: Սուվորովի այդ ժամանակաշրջանի նամակներում և պաշտոնական թղթերում հաճախ է հիշվում հաստատովի անունը: Այսպես, Գ. Պոտյոմկինին ուղարկված 1787 թ. հոկտեմբերի 1-ի իր ղեկուցադրում խոսելով Կինբուռնի մոտ տեղի ունեցած ճակատամարտի մասին և ընդգծելով ռուս զինվորների ու սպաների ցուցաբերած սխրագործությունները, զորավարը գրում էր, որ ռուսական զենքի հաղթանակին խոշոր

23 «Собрание актов, относящихся к обозрению истории армянского народа», ч. III, М., 1838, стр. 302. Նկատենք, որ ժողովածուում բերված այս տեղեկությունների կապակցությամբ ցույց չի տրված որևէ աղբյուր:

24 Архив ЛОИИ. Собрание рукописных книг, д. 342, стр. 40.

շափով նպաստեց նաև իր շտաբի գեներալ-ադյուտանտ քաջարի Ակիմ հաստատովը²⁵։

1789 թ. հուլիսին Սուվորովը, նկարագրելով ռուսական զորքերի փայլուն հաղթանակը Ֆոկչանում, ռազմական սխրագործություն կատարած սպաների ցուցակում հիշատակում է նաև Ակիմ Վասիլևիչ հաստատովին։ Կինբուռնի մոտ (1787 թ.) աչքի ընկնելու համար հաստատովը ստացել էր փոխգնդապետի աստիճան, իսկ Ֆոկչանում կատարած քաջության համար պարգևատրվել էր ս. Գևորգի շորբորդ աստիճանի շքանշանով²⁶։ Փոխգնդապետ հաստատովը, նշում էր Սուվորովը, մարտնչել է «Ֆոկչանի մոտ և վանքի գրոհի ժամանակ, որտեղ և վիրավորվել է. Ռիմնիկի մոտ աչ թևի ծայրային գրենադերական կարեի հրամանատարն էր և առաջինն էր, որ 5000 թուրքերի կողմից ճնշման ենթարկվեց, բայց կես ժամ հետո նրանց փախուստի մատնեց»²⁷։ Գ. Ա. Պոտյոմկինին հաղորդելով Ռիմնիկ գետի մոտ տեղի ունեցած մարտերի մասին, Ա. Վ. Սուվորովը 1789 թ. սեպտեմբերի 11-ին գրում էր. «...փոխգնդապետներ Ակիմ հաստատովը, լեվ Ռաուզը ամեն կողմի գործողություններին հասնելով, հատկապես ցուցաբերեցին հոգու կայունություն և քաջություն»²⁸։ Այդ նույն փաստաթղթում խոսվում էր փոխգնդապետ հաստատովի հրամանատարությամբ գործող 2-րդ և 3-րդ գրենադերական գումարտակների փայլուն հաղթանակների մասին²⁹։

Ա. հաստատովը Իզմայիլի համար մղվող մարտերի ակտիվ մասնակիցներից էր։ 1790 թ. դեկտեմբերի 21-ին Գ. Պոտյոմկինին ուղղված զեկուցագրում Սուվորովը, խոսելով Իզմայիլ բերդի զրավման մասին, նշում էր. «Պետք է ըստ արժանվույն գնահատել ինձ մոտ գտնվող աստիճանավորներին, որոնք կատարեցին իմ բոլոր հրամանները։ Հատուկ ուշադրության արժանի են փոխգնդապետներ Ստարոդուբյան Կարաբիներյան Ակիմ հաստատովը, Նովգորոդյան հետևակային Վլադիմիր Գորչակովը, Մալոռոսիյան հեծյալ-գրենադերական Ատեպան Շիրյայր, որոնց ուղարկել եմ ամենավտանգավոր տեղերի զորասյուներ։ Հաղթահարելով բոլոր դժվարությունները ուժեղ կրակոցների տակ, նրանք իմ հրամանները տեղ են հասցրել ճշտությամբ»³⁰։

Այս բոլորից հետո պատահական չէ, իհարկե, որ Ա. Վ. Սուվորովի կյանքի և գործունեության հայտնի մասնագետ Վ. Ալեքսեևը գրել է. «Ակիմ հաստատովը եղել է Սուվորովի մարտական ընկերը»³¹։

հաստատովը, որ գիտեր մի շարք լեզուներ, 1793 թ. պաշտոնավարել է Կ. Պոլսի ռուսական դեսպանատանը, ապա նորից ընդունվել է ղինվորական ծառայության։ 1799 թ. սկզբին, ունենալով գեներալ-մայորի աստիճան, անցել է հանգստի³²։

Ի դեպ, ավելորդ չէ նկատել, որ Ա. Վ. Սուվորովի աշակերտ և մարտական ղինակից, ռուսական բանակի սպա հաստատովը նույն գեներալ-մայոր

25 ЦГВИА, ВУА, д. 2415, ч. 3, л. 15.

26 «Военный сборник», 1910, № 5, стр. 274.

27 А. В. Суворов, Документы, т. II, М., 1957, стр. 498.

28 Նույն տեղում, էջ 481.

29 ЦГВИА, ф. 52, оп. 203, д. 14, л. 90.

30 ЦГВИА, ВУА, д. 2413, л. 39.

31 «Письма и бумаги А. В. Суворова», т. I, стр. 364.

32 Ա. Վ. հաստատովը թաղված է Պետերբուրգի հայկական գերեզմանոցում։

Ա. Վ. Խաստատովն էր, որի ընտանիքի մտերիմ բարեկամը դարձավ Մ. Յու. Լերմոնտովը³³։ Ակիմ Խաստատովը ամուսնացած էր Լերմոնտովի տատ Ելիզավետա Արսենևնայի քրոջ՝ Եկատերինա Արսենևնայի հետ։ Խաստատովի ընտանիքի անդամները՝ կինը (Եկատերինան), տղան (Ակիմը), աղջիկները (Մարիան և Աննան), փեսաները (Պ. Վ. Շանգիրեյը, Դ. Ի. Պետրովը) և ուրիշներ սիրով են ընդունել երիտասարդ բանաստեղծին։ Լերմոնտովը հաճախ է հյուրընկալվել Խաստատովների՝ Թերեբի ձախ ափին գտնվող կավածքում, ապա նրանց՝ Պյատիգորսկի բնակարանում։

Ա. Վ. Սուվորովի գնահատված ու սիրված ղինվորականներից էր նաև Լալաևը։ Մարտին Ատեպանովիչ Լալաևը (ծնվել է 1764 թ.), ռուս-թուրքական երկրորդ պատերազմի ակտիվ մասնակիցներից էր, 1789—1790 թթ. ուներ կապիտանի, այնուհետև՝ սեկունդ-մայորի աստիճան։ Ռիմնիկ գետի մոտ տեղի ունեցած մարտում աչքի ընկած սպաների թվում ղորահրամանատարը հիշատակում է նաև Լալաևին։ 1789 թ. սեպտեմբերի 11-ի իր ռազմագեկույցում Սուվորովը, խոսելով մի քանի քաջարի սպաների մասին և նշելով այն, որ նրանք մեծ անվեհերությամբ կատարել են իր հանձնարարությունները «անընդհատ գտնվելով դաժան կրակի տակ», ավելացնում էր. «Այս նույն ձևով ինձ օգտակար են եղել Ֆանագորյան գրենադերական կապիտան Մարտին Լալաևը, իմ շտաբի օբեր-աուդիտոր Անդրեյ Սոմովը» և ուրիշներ³⁴։

Սուվորովը Լալաևի անունը մտցրել է այն սպաների ցուցակում, որոնց նա ներկայացրել է պարգևատրման Ֆոկչանում և Ռիմնիկում ցուցաբերած քաջության և արիության համար։ Մի քանի սպաների, այդ թվում և Լալաևի մասին Ալեքսանդր Վասիլևիչը գրել է. «Երկու դեպքում էլ աչքի են ընկել ճարպկությամբ, հրամանները և կարգադրությունները հասցնելով երկու կորպուսներին, քաջությամբ և արիությամբ՝ ամենավտանգավոր վայրերում և ոգու արիությամբ ու անխոնջ աշխատասիրությամբ՝ տարբեր պարագաներում»³⁵։

Մ. Լալաևը աչքի ընկավ նաև Իլմայիլ բերդի համար 1790 թ. դեկտեմբերին մղված մարտերի ժամանակ։ Սուվորովը, նկարագրելով բերդի գրոհը, նկատում էր, որ սեկունդ-մայոր Մարտին Լալաևը և մի քանի այլ սպաներ «թշնամուն պարտության էին մատնում գերադանց քաջությամբ և խիզախությամբ»³⁶։

Հարկ է ավելացնել, որ մեզ են հասել Սուվորովի սեփական ձեռքով գրված երեք գրությունները հասցեագրված Մ. Ս. Լալաևին, որոնցում շարադրված են ղանաղան հանձնարարություններ։ Գրությունները գրված են ռուս-թուրքական երկրորդ պատերազմի ժամանակ։ Դրանցից մեկում (1789 թ. նոյեմբերի 11-ի թվակիր) կոմս Ալեքսանդր Սուվորով-Ռիմնիկսկին, որ այդ ժամանակ գտնվում էր Բեռլադում, կարգադրում է. «Մարտին Ատեպանովիչին՝ նեղություն քաշել գնալու Յաս. ս. Անդրեյի ադամանդակուռ իմ խաչով և այն կանոնավոր նորոգել։ Եվ եթե հարկ լինի, խոնարհաբար խնդրել նորին գերազնվություն Սերգեյ Լազարովիչի օգնությունը»։ Երկրորդ գրության մեջ

33 М. Ю. Лермонтов, Сочинения в шести томах, М.—Л., 1953—1957.

34 ЦГВИА, ф. 52, оп. 203, д. 14, л. 94.

35 ЦГВИА, ВУА, д. 2414, л. 17.

36 А. В. Суворов, Документы, т. II, стр. 557.

(1790 թ.) Սուվորովը առաջարկում է Լալանին պարզել, թե ինչո՞ւ ավստրիական կորպուսի հրամանատար արքայազն Կոբուրգսկին իր շքախումբը Բենդերի քաղաքից ուղարկել է Կապովար քաղաքը: Երրորդ գրության մեջ (գրված նույնպես 1790 թ.) Սուվորովը պատվիրում է Լալանին հյուրընկալել թուրքական վեզիրին, որին զորահրամանատարը սպասում էր խաղաղ բանակցությունների համար: Այստեղ Լալանին մասնավորապես առաջարկվում էր՝ վեզիրին ընդունել «Բարեհամբույր կերպով և սրտաբաց: Պարկեշտ ձևով հետադարձվել խաղաղության, պատերազմի և նորութունների մասին: Հյուրասիրել սուրճ, ծխախոտ և եթե կամենա փլավ, բյաբաբ և այլն (ինչպես և խմիչքով)»³⁷:

Այս գրությունների հրատարակիչ Ա. Վ. Բերնացկին համապատասխան ծանոթագրություններում նշում է, որ ուս-թուրքական երկրորդ պատերազմի ժամանակ «Սուվորովի անմիջական տրամադրության տակ էր գտնվում նրա (Սուվորովի—Մ. Ն.) լիիրավ վստահությունը վալելոյ Մարտին Ստեպանովիչ Լալանը՝ հետագայում Օրդենյան կիրասիրական գնդի գնդապետը»: Միաժամանակ Բերնացկին Լալանին համարում է «Սուվորովի զինակիցը»³⁸:

Ա. Վ. Սուվորովի մերձավոր զինվորականներից էր նաև Մանենը: Իվան Մանենը (1763—1790) նույնպես գործուն մասնակցություն է ունեցել ուս-թուրքական երկրորդ պատերազմի մարտական գործողություններին: 1787 թ. նա վարում էր Սուվորովի շտաբի օբեր-աուդիտորի, իսկ հետագայում՝ Սմոլենսկյան դրագունյան գնդի սեկունդ-մայորի պաշտոնը: 1787 թ. հոկտեմբերին վիրավորվել է Կինբուռնի և 1788 թ. հուլիսին Օչակովի տակ տեղի ունեցած ճակատամարտերում:

1787 թ. հոկտեմբերի 8-ին Գ. Պոտյոմկինին ուղարկված զեկուցագրում Սուվորովը Կինբուռնի տակ տեղի ունեցած ճակատամարտի կապակցությամբ պարգևատրման է ներկայացրել ռոտմիստր Շուխանովին և «գործի ողջ ընթացքում ինձնից անբաժան գտնվող ու հրամաններն առանց հասցնող իմ շտաբի օբեր-աուդիտոր Իվան Մանենին»³⁹: Մեկ օր անց Ալեքսանդր Վասիլևիչը դրում է, որ թուրքերը Կինբուռնում օգտագործում էին այնպիսի գնդակներ, որոնք ծանր վերքեր էին առաջացնում, և որ «իմ օբեր-աուդիտոր Մանենի վզից հանվել է այդպիսի մի գնդակ»⁴⁰:

Մանենը հիշատակվում է նաև 1789 թ. օգոստոսի 6-ին Եկատերինա II-ի անունով իշխան Պոտյոմկինի գրած ռազմագեկույցում: Այստեղ ի թիվս այն սպաների, ովքեր վիրավորվել են Օչակովի տակ, նշվում է նաև «սեկունդ-մայոր Մանենը»⁴¹:

Մանենը սպանվեց Իդմայիլի գրոհի ժամանակ, 1790 թ. դեկտեմբերին: Սուվորովի հայ աշակերտներ ու զինակիցներ խաստատովի, Լալանի և Մանենի շարքին կարելի է դասել նաև կապիտան Յակով Լեբրամովին (Հակոբ Աբրահամյանին): Աբրամովը Հովսեփ Իրզուբյանին ուղղած իր երեք նամակներում, գրված Ղլարում 1798—1799 թթ., պատմում է զորահրամա-

³⁷ «Русская старина», 1913, кн. 5, стр. 315.

³⁸ Նույն տեղում, էջ 316 (ընդգծումները մերն են—Մ. Ն.):

³⁹ ЦГВИА, ф. ВУА, д. 2415, ч. I, л. 72.

⁴⁰ «Генералиссимус Суворов», М., 1947, стр. 156.

⁴¹ ЦГВИА, ф. 52, оп. 194, д. 203, л. 157.

նաստարի անմիջական հրամանատարություն տակ ունեցած իր զինվորական ծառայության մասին: Նամակներից երևում է, որ 1794 թ. Աբրամովն ունեւր ռոտմիստրի, իսկ հետո՝ կապիտանի աստիճան: Լեհական կամպանիայի ժամանակ գտնվել է Սուվորովի շտաբում, լիբավորվել է մի քանի անգամ և այլն:

Աբրամովը Սուվորովի մասին խոսում է մեծ սիրով ու հարգանքով: Նամակների հեղինակը գրում է, թե Ալեքսանդր Վասիլևիչը իրեն միշտ հովանավորել է: 1798 թ. մարտի 6-ի նամակում Աբրամովը նշել է, որ Ա. Վ. Սուվորովը «այնպիսի բարերար էր ինձ համար, ինչպիսին չի եղել իմ հայրը»⁴²:

Մի այլ նամակում Աբրամովը Սուվորովի մասին գրել է. «Ես նրան ծառայել եմ օրինավոր կերպով: Դնացել եմ այնտեղ, ուր նա հրամայում էր: Չեմ մտածել ոչ քնելու, ոչ հացի... մասին, գնում էի ու կատարում նրա հանձնարարությունները և վերադառնում էի նրա մոտ, և նա բազմիցս շատ նշանավոր մարդկանց ներկայությամբ համբուրել է ճակատս»⁴³:

1798 թ. Սուվորովը Հովսեփ Արղունյանի հետ ունեցած իր հանդիպումներից մեկի ժամանակ հիշել է Աբրամովին և հետաքրքրվել նրա վիճակով: Իմանալով այդ մասին Աբրամովը Արղունյանին գրած իր նամակում խորին երախտագիտություն է հայտնել Ա. Վ. Սուվորովին:

Հնարավոր է, որ Աբրամովը թույլ է տալիս որոշ չափազանցում և անճշտություններ: Սակայն ակնհայտ է, որ Յակով Աբրամովը այն հայ սպաներից մեկն էր, որոնք ծառայել են մեծ գորավարի անմիջական ղեկավարության տակ և մոտ հարաբերությունների մեջ են եղել նրա հետ:

Կարծում ենք, որ Ա. Վ. Սուվորովի մոտ ծառայած հայ սպաների շրջանակը չի սահմանափակվում հիշատակված անուններով: Բանն այն է, որ XVIII դարի երկրորդ կեսի ուս-թուրքական պատերազմներում, որոնցում մեծ դեր է խաղացել անվանի զորահրամանատարը, մասնակցել են շատ հայեր: Դրանց թվում են եղել, օրինակ, Կասպարովը, Սումբատովը, Լազարենբը, Խոջամալովը, Ուլուխանովը, Մկրտիչը, Այվազովը, Արղունյանը, Վահանովը և ուրիշներ: Թուսական բանակում էին գտնվում նաև հայ կամավորներ: Համանական է, որ արխիվային հետագա պրպտումները կհայտաբերեն տվյալներ այն մասին, որ Ա. Վ. Սուվորովի անմիջական հրամանատարության տակ մարտնչել են նաև այլ հայ զինվորականներ:

АРМЯНСКИЕ ДРУЗЬЯ И СПОДВИЖНИКИ А. В. СУВОРОВА

(К 250-летию со дня рождения великого полководца)

Академик АН Армянской ССР М. Г. НЕРСИСЯН

(Резюме)

В 1770—1780-х годах А. В. Суворову довелось вступать в контакты с армянскими общинами Крыма, Астрахани и Москвы, принимать активное участие в русско-армянских переговорах, переписываться со многими

⁴² Ն'աշտոցի տնվան Մատենադարան, արքեպիսկոպոսի բաժին, Կաթողիկոսական դիվան, Թղթ. 8, փ. 33: Տե՛ս նաև ՀՍՍՀ ԳԱ «Տեղեկագիր» (հաս. գիտ.), 1950, № 8, էջ 98—101:

⁴³ Նույն տեղում:

армянскими политическими и церковными деятелями. В результате этого он установил деловые дружеские отношения с Иосифом Аргутинским (Аргутяном), Иваном Лазаревым (Лазаряном), «араратским послом» Степаном Давтяном, архимандритом Петросом Маркосяном, Александром Меликовым, Маркосом Серебряковым (Арцатагорцяном), с некоторыми армянскими карабахскими меликами и другими видными и влиятельными лицами. Следует отметить, что под непосредственным командованием великого русского полководца сражались также офицеры-армяне, храбрость и самоотверженность которых неоднократно отмечал сам Александр Васильевич. Более того, некоторые из этих офицеров (А. Хастатов, Ст. Лалаев, Ив. Манеев) принадлежали к числу учеников и боевых сподвижников прославленного полководца.